

ALLA LÚNE

Se facéve u circhje e se menave u túcche, luteme che ére cundate se mettéve c'a chjegate e chi mane sópe i denúcchje.

L'ati júcature sscègljèvene u prime (u rrè) che avéve zumbà e dope se mettévene affelarate vune arréte a n'ate.

U rrè prime de zumbà lucculave u nnumere e u ditte e facéve quille che decéve a rèvele, dope tutte l'ati júcature avévene repéte e fa quille che avéve fatte u rrè.

U jucatóre che sbagliave jéve sòtte.

I RÈVELE

- **VÚNE, ALLA LÚNE:** se zumbave e bbaste;
- **DÚJE, DOJE BOTTE:** se zumbave appujanne i púneje chiúse sópe i ríne;
- **TRÈ, 'A FÍGGHIJE U RRÈ, 'A BBÒNE A MME A SCAZZOSE A TE:** se zumbave e bbaste;
- **QUATTE, SPÀZZULINE CAMMENAVENE SÓPE 'A VÍJE DE BBOLOGNE:** se zumbave e dope u jucatóre avéve pulezzà pe ndèrre cúme si avésse n'u pennille;
- **CÌNGHE, SPERLICCHJE:** se zumbave e se déve nu ticchete, c'u detóne e u díte de mizze, sópe 'a ponde d'a rēcchje;
- **SÈJE, CAVECE NGÚLE:** se zumbave e se déve 'na bbotte de tacche sope 'u cule de chi stève sòtte;
- **SETTE, MANE E PPIDE NGRUCIJATE:** se zumbave e dope se ngrucijavene cosse e ppíde e s'avéve rumanì accussì senza cadè;
- **OTTE, SULDATINE DE PIOMBE:** se zumbave e dope s'avéve rumanì dritte;
- **NOVE, BBATTE MANE:** se zumbave e se battèvene i mane;
- **DÌCE, PASTE E FFASÚLE:** se zumbave e bbaste;
- **ÚNECE, I FURMÍCHE :** se zumbave strengénne chi mane 'a pèlle di ríne;
- **DÙDECE, FUJA-FUJE:** se zumbave u cchjù lundane e dope fuja-fuje pe nen èsse pegghjate da u rrè.

Seccome i rèvele venévene ditte a voce, spisse èsse venévene cagnate a seconde d'u rióne e u nnumere di júcature.